

nus Concilio Nicæno primo subscripsit, & *Paulinus* epist. Synod. ad eundem Imperatorem.

TYTIASSVS Notitiæ antiquæ Pisidiæ Ciuitas. *Heraclides* Tituensis in Concilio Constantinopolitano generali secundo legitur pro Tytiassensis, ut reor, estque inter Episcopos Pamphyliae Pisidiæ vicinæ.

BARIS Notitiæ, & Ptol. ibid. *Heraclius* Barenfis ex Pisidia Conc. Nicæno primo interfuit.

ADRIANOPOLIS Notitiæ eidem. *Themistius* huius Antistes in Pisidia Conc. Constantinop. primo subscripsit, & *Florentius* Adrianopolitanus epistolæ Synodali ad Leonem Imperatorem.

LIMENOPOLIS libro Concil. Limenis dictæ Notitiæ. *Castinus* Limenopoleas eidem Epistolæ Synodali ad Leonem Imperatorem subscriptus legitur.

LAODICEA Combusta, Stephano in Galatia, sed Notitiæ in Pisidia; *Liche* Incolis dicitur teste Molano. *Messalini* huius Laodiceæ, ut reor, Præfulis memoria est in Concilio Chalcedonensi.

SELEVCIA Notitiæ, & Ptolem. ibidem. *Eutichius* Seleuciensis Episcopus Nicæno Conc. subscripsit, & *Alexander* epist. Synod. ad Leonem Imperatorem.

ADADA Notitiæ, & Ptolem. ibid. in Cod. Palatino. *Ananij* Adadenfis meminit Conc. Constantinop. primum, & *Eutropij* Adadenorum ciuitatis Episcopi eadem epist. Synod. ad Leonem.

MALLVS dictæ Notitiæ, Malinopolis libro Conc. cuius Episcopus *Attalus* eidem epistolæ Synodali subscripsit.

SINIANDVS dictæ Notitiæ. *Eugenius* Synnadorum pro Siniandorum Antistes legitur subscriptus Synodicæ epistolæ ad Leonem Imperatorem.

METROPOLIS Notitiæ & Ptolem. lib. 5. cap. 2. *Eusthatius* eius ciuitatis Præful subscripsit Conc. Constantinop. primo, & *Minophilus* Metropolitanorum epist. Synod. ad Leonem Imperat.

PARALAVS Notitiæ & Ptol. lib. 5. cap. 6. Paralais. *Patricius* Paraliensis Conc. Constantinop. primo subscripsit, & *Libanius* Paratenus pro Paralaitenus, ut arbitror dictus, Synod. epistolæ ad eundem Imperatorem.

BINDEVM Notitiæ, & Leuncl. Bendor, ut reor, iuxta Antiochiam huius prouinciæ Metropolim apud Ptolemæum. *Theodorus* Episcopus Bindei in Conc. Constantinop. generali sexto legitur.

PHILOMELIVM Ptol. lib. 5. cap. 2. quibusdam in Phrygia est. *Theosebimus* Philomeliensis ex Pisidia Concilio Constantinopolitano primo subscripsit, & *Marcianus* Episcopus Philomelij Synod. epistolæ ad Leonem Imperatorem.

PROSTAMA Ptol. lib. 5. cap. 5. *Attalus* Prostamensis in Pisidia Antistes legitur in subscriptionibus primi Concilij Constantinopolitani.

GORTENVS & Theodosiopolitanus Episcopi præter modo dictos subscripserunt epist. Synod. huius prouinciæ ad Leonem Imperatorem, sed à quibus ciuitatibus vix conijcio.